

乾隆歷城縣志

山東省會為濟南府附郭首縣曰歷城蓋周
之兗州譚國地也自齊晉戰歷下而歷始名
自漢置青州部而歷城始縣自唐宋以來至
於明置道置路置省而歷城始隸濟南自前
明劉氏葉氏而歷城始有志然必如前歷城
令今為東昌守臨桂胡君而歷城之志始善
胡君閔通淹雅吏治有幹材自濟陽換縣得
歷城一切治辦蒞官半載即任周禮外史之
掌取舊志而賡續之置官局聘名士搜遺書
辨地域訂譌補缺可謂勤矣然猶不敢自以

為是也會遷牧濟寧時亦有脩志之役遂以
其藁就正於沈廉使樹園先生參之以稽驗
之以決必求合於穀梁傳著傳疑康成知古
知今之指而後廼命之剞劂氏抑又何其慎
耶辛卯冬寓書於淮請予一言弁諸首予念
古之為政者必訪於遺訓咨於故實居今而
求遺訓故實將舍志其焉由昔者申叔時謂
教之故志使知興廢假令為邑長於斯不知
邑之有志可以鑑古而證今也竟聽其壞亂
而不修抑或徒事張皇浮穢累牘煩屢連篇

山川不考其險易形勢不考其阨塞風俗不
考其淳漓古蹟不考其顯晦人文不考其興
衰戶口不考其登耗傳之異日踵訛服謬既
妄且支無所取信固不待納米索金始稱職
史也夫以涑水紫陽之才之學而盡一生之
精力而成一書牴牾或不敢自保首尾或不
能相要又况不達二公萬萬者乎而胡君之
志則正無慮此部分類居各以義從臧否是
非犁然有當既具三長足備一鑑則由縣而
達之郡由郡而達之行省由行省而達之

京師以上之

國史館其土訓誦訓之所道洵足供採掇而無疑也君子謂是書也可以志矣

乾隆三十有六年歲紀辛卯長至日

太子太保兵部尚書兼都察院右都御史總督淮揚等處地方漕運提督海防軍務兼理糧餉今陞刑部尚書楚鄂崔應階題

地之有志由來舊矣周禮外史掌書外令掌
四方之志此縣志之祖也歷城爲山左首邑
隸禹貢兗州之域史記晉世家晉齊與戰歷
下即歷城名地之始縣舊有志成於明崇正
間百餘年米曾無踵修之人丙戌夏粵西胡
君書巢來令是邑慨然有修葺之志屬葉未
就即遷濟寧刺史旋擢守東昌延前廉使沈
櫟園先生總司其事三閱歲而書成時余奉
命督河河東駐節任城胡君於公事之暇輒
言及訂誤補缺校勘之難及余調任南河胡

君郵寄金帙且句一言以弁其首余惟縣之
有志所以志一縣之風土掌故封城則表其
沿革山川則志其疆界以至城池亭館學校
兵防莫不一一綜核而詳考之他若鄉大夫
鄉先生之行誼卓然在人耳目及匹夫匹婦
之感慨激烈從容就義亦皆叙其顛末詳著
於篇後之人流覽簡牘咸聞風而起慨焉思
慕有所觀感而振興所關詎淺鮮哉方今
聖天子興學致治遠紹旁搜

勅儒臣纂修一統志檄取直省之府州縣志

以備參考有良民之責者不尤當速為編輯
燦然成書庶可稍資訪擇歟胡君以名進士
官歷城三載有餘一切土俗人情瞭如指掌
用以筆之簡冊而傳之奕禩信而有徵余竊
幸其治之有成而克見其書之卒業也是為
序

乾隆三十有六年嘉平月

賜進士出身榮祿大夫兵部尚書都察院右
都御史總督江南河道提督軍務前河東河
道總督錢唐吳嗣爵序

歷城為山東附省首邑地方百里戶七萬田
萬頃名山十三泉七十二簪纓相望工賈畢
集四方之人樂其俗而安其居者比比是焉
誠海岱之間一都會也歷之為縣始於漢即
隸濟南郡元魏時列為首縣至於今不改縣
故有志書為前明邑舉人葉承宗手輯撫捃
於兵燹之餘雖復苦志搜羅精心抉擇而戶
籍蕭條四郊多警斷簡遺黎亦第存其大畧
耳烏足以言詳脩哉我

國家承平百餘年來厚澤深仁休養生息海隅

日出岡不光被矧歷城距京師九百里當古侯服地又恭逢

聖祖仁皇帝暨

今上皇帝數次巡幸恩覃化洽鼓舞振興迄今人士雍都民俗勤厚登鵲華泛明湖高瞻遐矚耕桑豈弟之風悠然遇之未嘗不咏歎流連而欲為茲邑一傳其盛也今東昌守胡君粵西進士向宰是邑學古入官政無不舉親民之暇慨然於舊志之陋畧設局延請耆英名彥商榷增訂閱三年而書成考據精嚴詞旨

雋潔信足奉揚

聖教浹洽民視矣辛卯冬乃郵致是書請序於余
余雖不文頻邀

恩命曾任濟南知府又任是省臬司固熟悉其山
川風土田廬戶口之繁庶而樂為茲邑之民
道其盛且相勉於無窮也于是乎書

乾隆三十七年八月既望

賜官廕生兵部尚書兼都察院右都御史總
督河南山東河道提督軍務仁和姚立德序

昔史公為河渠書於河流自南而東復為引
使北流之故必為申析其所以然使覽者得
見古人疏鑿之大旨其論治渠則自滎陽下
及楚吳齊蜀諸邦行船溉浸之利形勢俱列
目前封禪書叙秦時諸山川神祠自殺以東
為祠幾華以西為祠幾而雍與西若湖下邳
澧瀉杜亳復若干祠合天下諸山川神祠一
一如經緯之在機黑白之分布於碁局至今
如可想見其虔而竊怪令人叙數十百里以
內之山川即樊然四出而靡所統紀何其才

力不逮古人若是之相遠歟余每覽郡邑志
書臚陳山水大抵如市井貨錢之記注一切
雜而不貫近代唯李世熊為寧化志知以為
疾於邑中山水皆躬自涉歷得其起伏往來
之勢而比而合之以為文其視他志之支分
而錯出者則有間矣至若指陳形勢令讀者
如身遊而目擊之則亦未敢輕許也東昌太
守胡君德琳前令歷城為其縣志以為縣之
山無有不原於太山者其水無有不委諸清
河者君既得其原委大勢而叙次一準水經

故其文最有法度余謂即此一編已足為近
代志書之冠其他金石考詳審精核可與歐
趙諸家所錄並傳藝文考畧述篇目大指而
不列其文文之有關國故者則散見於地域
建置山川古蹟諸篇尤為不詭於歷代史家
之法其於戶口田賦兼列往代之額與一切
吏牘之文則陸清獻為靈壽志書遺意皆為
不苟然者書凡三易寒暑始成其勤若此然
猶自恨簿書少暇未能專力覃思汰其繁務
而歸諸潔若猶冀余為之刊削者然余獨賞

其叙列山水條理井然一洗近代志書之陋
而其綱羅之博考核之精皆有非他志所能
及者輒為序其纂述之大意于簡端以曉觀
者至於刊削之功則姑以待諸後世司馬遷
班固之徒為之其可乎

乾隆三十七年九月九日

兵部侍郎兼都察院右副都御史巡撫山東
等處地方督理營田兼提督銜節制全省軍
務襄平徐績序

壬辰夏東昌太守胡君書巢以前所編歷城縣志剗剔成遣使問序於予予為披覽終卷不禁嘆曰美哉是志脩矣洋洋乎表東海者乎考志自前明崇正庚辰邑人葉承宗修輯宋令祖法為之開雕厥後雖數經踵修而無所附麗間有脫誤亦未是正胡君由濟陽令以幹才調是邑甫下車即與二三同志斟酌損益惟精惟博上下數百年殘缺未脩者皆釐然具著於冊可不謂難歟而予以為修歷城志之難則尤甚蓋濟南為山左省會歷城

又其首邑也其地為官師淵府為疆索弁冕
為政令嚆矢郵傳使令輪蹄如織而且佐之
以聽訟重之以催科在他人為之惟兢兢救
過之不暇何能以其餘力搜羅散佚漁藝獵
釋尋山川之源委抉金石之闕遺正其訛核
其實芟其蔓振其綱同經生家之窮年累月
成一邑之完書有如是志者哉余由是知太
守為治之裕而才之敏為不易得也抑余聞
葉志初脫稿時蔡忠襄公序之謂歷山濼水
生而重新深為歷幸又嘆宋令克謀厥始邱

司李相協厥中為大錫邑而宋令之序葉志也則寄慨於山川風土兵農錢穀忠孝節烈為之惓惓不已孰知百數十年後

重熙累洽久道化成殘者已復詘者已贏幽者已顯滿者已淳而復得賢令如胡君者擅大雅之才垂不朽之業視葉氏舊志何啻十倍過之豈不可貴矣乎間嘗宦遊所及愛其山水甲於齊魯為之停驂徘徊慨然想慕漢劉祖榮之治蹟以仁惠為吏民所愛父老猶稱頌不衰太守乃能遠繼循吏善協其職且

於遷擢之後復竭三載之苦心以竟厥事不
因循以自安不苟且以卒業是誠獨為其難
者矣書成計卷五十分門一十有四曰紀曰
考曰表曰錄曰傳徵文考獻備具史法在安
邱東阿諸志之上後之讀是書而不興望洋
之嘆者吾不信也遂樂書數語而歸之

乾隆三十七年六月上泮

兵部侍郎兼都察院右副都御史巡撫河南
等處地方提督軍務兼理河道屯田山陰何
州序

今之志乘古之外史也王者欲周知四方之得失因設外史掌之俾有所記故其職與小史掌邦國之志者等迨東漢有郡邑之志而外史不聞然其志山川土田與夫民風吏治則猶外史之遺而獻之王朝足以脩採擇而議興除以昭同文同軌之治甚鉅典也然則撫志華者非具有作史三長無以大公至正為心孰可以與於斯曩余司臬山左胡君書策方以歷城令擢濟寧州守當其令歷城嘗從事於重修縣志迨遷濟寧是業未終竟公

退餘猶延訪名宿商榷而裨益焉嗚呼可謂
專且勤矣歷為齊魯間一太都會南直泰山
東望滄海居山左一百六州縣之首沃壤繡
錯名賢林立誠不可無善志括其大全舊劉
氏葉氏嘗各有志葉氏較善於劉然其書成
於崇正庚辰時當景物湮蝕文獻凋殘又迫
期於百三十日有奇求其旁搜遠紹考訂無
缺失蓋亦難已况經百餘年風移俗轉而猶
可執之為定籍耶我

國家土宇版章東漸西暨幅員之廣亘古未有

山左去京不千里得太和景氣尤先以故百
餘年來人才輩出風俗臻臻上理山川靈淑
之氣宣著發越不培而若增高不涸而若益
清更逢

聖祖仁皇帝

今上皇帝前後巡幸水榭山亭咸邀

睿藻一草一木皆欣欣然令人改觀今日之歷
城大殊異乎昔日之歷城也司馬氏疑漢於
百王之後班氏猶議其非體徒規規於前代
掌故而

本朝如是盛業未勒成書又烏足耀遠耶胡君
遭際

咸明復自具良史才爰克以鉅典自任丁亥春
開局始事三易寒暑兩經陞轉其書方藉手
告成凡屬風土之記金石之文以及子史別
集搜抉無不徧

四朝聖製宸翰恭錄以冠一書之元次及地域
建置山水脉絡原委皆親履其地綜覽而條
析之經制號令一遵在官典籍功業文章忠
孝節義駢肩而繼起者上必本於

國史下必協於鄉評正前所有之訛十二三補
闕十四五揆古準今燦然具列洞若觀火習
若數珍其體大其思精其考事詳以覈而其
貲例簡以嚴非惟遠勝前志即以媲古外史
氏所掌亦何多讓焉今胡君陞任東昌余已
移浙藩胡君以成書遠郵請序余反復披玩
愧無以益胡君也雖然竊願有進矣志乘之
設本藉以知得失議興除也今其間得失之
故已皆可徵信於天下而徒泛泛焉供遊覽
之流連佐羔雁之贐摯則無為貴志矣語云

不知為吏視已成事凡所登於志者患已成
事也官斯土者能知是書為一邑利弊之鏡
而視為勤民力政之大經覽疆圉知地勢之
險夷觀賦役知田土之肥瘠考學校風俗知
士習民情之淳漓因而為之損益為之調劑
夙夜兢惕思所以稱厥職者則不愧循良之
選居是邦者亦能因諸傳記所列高山景仰
視芳躅為不遠父以誠子兄以勉弟秀者弦
誦樸者力田均期奮一長自表當世以無負
休養生息至意審如是則胡君之志方不徒

作也胡君勉旃歷之後令尹士庶勉旃
乾隆三十有七年歲次壬辰夏六月初吉
誥授通奉大夫浙江布政使司布政使前山
東按察使司按察使臨汾王亶望序

地之有志所關綦重而可傳者鮮或高語簡
古而於前人記載實多所遺則失之陋或侈
言閎博而於述作體裁罔知所衷則失之蕪
斯二者均不可語於傳達也歷城舊固有志
論者以為佳史然百年以來缺而莫補且板
亦漸就漫漶矣今東昌太守胡君書巢向宰
是邑用經術飾吏治未逾年庶政具舉即慨
然於舊志之不脩久且失墜爰設局延致紳
士互相釐訂閱三年而書成余披閱之下嗟
異者久之其叙列山川原委井然則道元之

注水經也綜核往蹟千載如見則次道之志
長安也甄述前賢不遺不濫則遺山中州之
集西亭人物之志也至於討論經籍必考其
篇卷詳其指要一準貴與之法記錄金石多
述其形模臚其文字猶存景伯之遺蓋其於
古人之書考之殆遍而於古書之體無所不
學乃元明以來地志中僅見之書也信足以
脩外史之掌故而垂於不刊矣

乾隆三十六年十月朔日

賜進士及第翰林院侍讀學士提督山東學

政蕪湖韋謙恒序

歷城縣志

韋序

史之有志尚已其以地著者唐宋以來多摠
匯之書至於分郡為志郡又分邑則其事愈
繁商榷亦宜益精誠名物所憑依而史乘之
根苑也嘗論作志之體貴於詳而難於核采
以簡古為高自好文之士揚遷抑固力矯填
累於是有強故實以就我剪裁文雖工而志
體荒矣其或官董其事則又不過偶動於好
名之一念急求其成而不顧其安以為苟非
功令之所程課最之所係皆可以苟且從事
而二三賓客因得以私意竄定其間此所以

易成而難工也東昌守桂林胡先生雅意嗜古自宰歷城時閔邑乘殘闕發憤蒐輯延益都李君藍晚濟南周君靜函暨諸同志據明季樂氏舊本成之二君皆淹博有文又樂操其土風故其結撰壺以詳贍為主而先生亦深於著述甘苦之數不為去留易念俾得從容以盡其才蓋五年而後成書視原本不啻倍之書成而先生已擢郡守李已令粵東周亦成進士矣先生以書索序於予予受而讀之詳而不失之蕪核而不失之鑿犖焉炳焉

洵可與宋次道之志長安河南范至能之志
吳郡與山左名志如東阿安邱二書後先輝
映者也予嘗借明人所為朝邑志手抄之閱
其文洵簡淨有法顧竊疑其於遜國臣程濟
拜碑事獨詳殆未免於文人好奇之病以此
推之他可徵信而反漏者政多也若斯志者
庶知免矣先是學署在青州今則濟南使者
於厯城居停也可竊附於寓公之義故輒引
伸鄙懷以塞先生譏諉之意云

乾隆三十六年歲次辛卯長至月下浣之吉

提督山東學政翰林院侍講學士吾邱李中

簡誤

歲辛卯仲秋余以郎部提刑山左凡僚屬之
公事來謁者各以郡邑之志乘為勢而歷城
附在省會邑乘殘闕竊怪文獻之邦嶽靈海
氣之所鍾無以脩掌故察土風亦牧民者之
恥也迨後東昌守胡君書巢入謁則脩述其
令歷城時憫舊志之漫漶網羅放失葺有成
書余心竊喜之謂胡君以著作之才操筆削
之任當必有異乎世之草率從事者越一月
乃裝成全帙請序於余余嘗考歷城本古譚
子國歷下之名則起于史記所謂齊晉戰於

歷下者是也縣設於漢景帝之二年而其倚
郭則始於永嘉以後迄今千百年地未改名
未易也幅員廣袤四百餘里山川靈閼之蹟
人物鍾毓之奇以及物產民風兵屯錢穀此
亦考古者得失之林矣胡君書巢於案牘之
餘暇取前明劉民部亮采葉孝廉承宗舊志
訂訛補缺凡三易寒暑乃竟其事歷山濼水
而目不於是重新耶余惟志之作也其源昉
於周禮土訓誦訓之職唐宋以來不具論有
明康海之志武功崔銑之志安陽其最著者

山左則推安邱東阿外此傳者絕少作志固如斯之難矣今閱歷城一志分類極古考核極精叙次有體繁簡得當後之徵文考獻者將於是乎折中焉不徒與安邱東阿較勝藝林也是志甫脫稿胡君遷濟寧州牧復脩州志今守東昌則又纂修郡志賢者之急所先務而不類於俗吏之所為者如此二書雖未成然信其與歷城志並傳無疑也夫士人一行作吏此事遂廢豈其性之不親簿書以勞其神刑名以紛其志故也誠如胡君則政事

文章一以貫之矣山左志乘頗多殘缺好古之君子有志修明盍以胡君之歷城志為法歟時

乾隆三十八年歲次癸巳春王月

誥授通奉大夫山東等處承宣布政使司布政使長白國泰序

月

歷城志昉於前明邑人劉氏君授崇正末葉氏奕繩成之考據博洽詞理腴雋百餘年集山左邑志安邱東阿而外即共推是書矣然山川古蹟職官人物脫誤時見

國朝康熙間李氏恕亭雖嘗踵修而莫能是正丙戌夏余自濟陽調任丁亥春杪即開志屬凡歷代掌故風土之記寰宇之志及直省通志名人總集下逮稗官小記無不搜羅金石之文消泐殘闕無不抉剔山川之脉絡溝渠之分并

皆親至其地綜覽而條析之雖不敢謂毫髮
無遺憾而訂誤者十之三補缺者十之五蓋
益都進士李蔭畹邑孝廉周靜函之功居多
若足爾萬山窮原竟委目營手畫則東原
陳子子顯之勞不可泯也志甫脫葉金已
遷濟寧延前廉使沈荻林先生偕前淄川
令盛君秦川修濟寧志是編藉以商榷裨
益亦不少焉然非劉氏葉氏草創於前則
文獻無徵安知不用力尤難也開雕將竣
蒙

恩擢守東昌凡三易寒暑簿書之餘時或校勘兢兢焉惟恐不竟厥事嗣此有志續修者當亦鑒余之苦心也夫時

乾隆三十六年正月

賜進士出身朝議大夫東昌府知府前歷城縣知縣桂林胡德琳撰并書

歷城縣志凡例

自古勝地名區文人學士將踪不乏而帝王之簡翰則不易得歷下山水固甲於北省自我

聖祖仁皇帝及

今上皇帝數次巡省水榭山亭咸邀

芳藻今俱恭錄卷首以別於歷代臣工之作而列聖宸翰之在境內者亦備載焉

周官曰凡此五物者每國辨異之以周知天下之故戴記曰皆如其國之故一縣之地不過方數百里而上下數千年其為故也多矣明關中諸志率以簡勝然王漁

洋於朝邑志有毋乃太簡之嘆鄭簡菴新城舊事自序
曰異時重編之應有一百三十五卷之時漁洋亟取其
言今雖搜羅未備然亦竊比此意

顧亭林在永平或屬為府志亭林謝之曰郭造卿在戚
將軍幕府搜羅天下書志畧備蓋十年而成燕史而今
無其時故也近來郡縣皆有志覆視之則多亭林所謂
取成於數月之內而不問其可傳與否者耳今雖學謝
前人然力所可及必不敢苟為率畧以犯前人之譏
衛正叔作禮記集說曰他人著書惟恐不出於己予此
編惟恐不出於人朱竹垞輯日下舊聞倣之故所鈔羣

皆分注於下今亦竊取此義或畧加櫟括者則曰見或曰據其未見原書而抄自他書者亦曰見至後來人物為前人之書所未及者則書採訪諸君之名氏既與古人之書相配且以見取舍之出於公論也

引書之例第一條注某書連引二三條則曰同上多至四條以下則曰以上俱某書

總紀無取繁冗而災祥賑恤既不見於別門則不妨纖悉其月日或詳或畧一仍所抄之書非能寓褒貶也既見於各門而大事仍不得不書於總紀者如封建之類是也然不過間見且詳畧亦迥殊

縣志多載星變然古惟九州分野後人配以郡縣法似密而實疎今傳載其說於星野考而星變則一切不載地理之學至為糾紛即以歷城言之唐元和以前之城小於今城他如齊平陵非漢之東平陵漢東平陵又非唐改金節之平陵漢有營平隋有營城華山以東小清河故道乃古濟水故道此皆詳考而後析之者齊乘以後諸書多混而莫辨矣

地理最易訛而其訛必有故玉海云譚城在歷城縣東南十五里齊乘云臺城在濟南城東北十三里與水經注通典皆不合詳考之則以誤述臺字記之文而不知

其不蒙歷城縣而言也今皆詳辨於各條下

鄭夾漈云州縣之設有時而更山川之秀千古不易禹貢所以為不易之書也顧亭林昌平山水記凡各史所載某州縣有某山水其相因者皆複舉之今用其例既可以見其時境內之所屬而南北僑置縣邑亦可畧存梗概如魏書云臨邑有鵠山則知當日歷城之北境以為臨邑矣所謂辭有繁而不可殺者此類是也

橋閘津渡志書每自為一日列建置今以水利所關俱詳於山水考中不復別見

志書多取賦詩雜文為藝文志既乖古法復令覽者病

其繁蕪今倣陸氏山東通志分隸各門則山川古蹟不待別檢可以具得其沿革廢興之詳及前人游覽題詠之踪而不徒為流連光景之助也已

海內歷山有九曾南堂折諸經傳謂在歷城者為是理或然也舜泉舜井皆因此而名今俱仍之而舜之事則不復詳述焉

詩文如唐之李杜宋之曾蘇元之元趙明之邊李

國朝之王田因足為山川生色其或名不甚顯而著作堪傳又或縣人偶留一詩一文於舊志即不甚佳亦存之然舜山檻泉鵲華明湖詩文之多允棟汗牛今所取者

究不能什之四三也

文獻通考經籍一門本晁陳兩家之法而更廣之漢隋
二志以後集大成之書也朱竹垞經義考辨證尤為精
博使後人即未見原書亦可粗知崖畧今於縣人藝文
亦倣此例分為四部以為書無多故四部中不復區而
別之云

府志載張養浩諸子書引谷南高文章正宗二書考縣
舊志養浩著雲莊類稿諸書子引子引者其子名引也
府志蓋倒一字而誤以為書名文章正宗板谷南高公
刻乃巡按高谷南也谷非姓府志蓋誤以為谷繼宗矣

凡類此者今俱不載

漢孔廟置百石卒史碑張稚圭按圖經定為鍾太傅書
羅存齋新安志詳載碑碣蓋古法也今摩挲雖未能徧
而抉剔頗極幽遐如琨瑞山禹登山南靈臺山佛慧山
和山魏唐宋元諸石刻尤掌故之大者非僅借以存昔
人之蹟也

古人志金石多詳尺寸以存其形模今於元以前者詳
之而後姑缺焉其分数則一以

國朝工部營造尺為式

明史葉云表者所以通紀傳之窮也故間有與紀傳複

者而其體不可廢今詳考歷代之制以為各表並一縣之人凡搜剔所及即事實無徵而姓名無不見於表者矣然亦不敢謂無遺也

亭林云世之人能讀全史者少矣故各史有傳者皆錄其全文此例實創於于文定公東阿志蓋一縣之人見於史傳者固無多也其別書所載有出於史傳外者併叙入或本傳太長間為刪節或用節本如呂元直辛稼軒則用柯氏宋史新編是也

近代志傳不稱名而稱公此實誌狀之辭非史體也非惟文不淳古且使讀者數行後不知稱謂何人矣羅存

方志集
齋志其郡一例稱名獨於父汝相始稱公明武林徐氏
象賢作兩浙名賢錄嘗力辨稱公稱君之非體茲俱書
名以從史例

登第書某號某年隋書以下各史皆然惟金史間有書
干支者不足法也列朝詩集明詩綜亦稱干支非史傳
也近志乘概稱干支且多不署年號俾觀者不知為何
時人不敢效尤

史傳前列祖父後列子孫其善有二一可附見家世一
可事少者省別為傳今傳俱用其例而自他縣遷來者
無詳其始遷之名蓋水源木本備存各家譜系其同姓

者尤可以別焉

本非此地人物而舊志誤入者多由以齊為濟以扶風平陵為東平陵已附辨於各門中惟李昭圮宋史訛濟北為濟南而東都事畧本傳作濟北人文獻通考亦作鉅野人舊志因宋史而誤今竟去之

張起巖張養浩上世皆家章邱而起巖之先自五季已遷於禹城繼又自禹城徙濟南故王圻續文獻通考載起巖父張範集直作歷城人而養浩則自其祖已家於歷城故今皆以入人物而詳叙其世系初非妄為援引也

王敷纂續安邱縣志例曰官評去後而定鄉評沒後而定其秩官現任及士大夫宦游家食者雖賢姑俟異日恐涉諛也近志多為生者立傳於義法為舛矣茲俱以敷纂之言為準

竹垞作日下舊聞九月而竣然其平日之採輯不知幾歷歲時矣且曰中間滲漏隨覽隨悔今於前人載籍多所未見如元和志九域志之類僅從他書所引畧載數條補其遺缺正其錯訛更有望於後之君子

舊志諸圖邑人周繩所寫為明季名筆而歲久漫滅茲復囑陳君子顯別為摹繪窮巖絕壑皆所親至庶幾為

歷下山水一開生面也

歷城縣志凡例終

歷城縣志凡例

歷城縣志卷首

聖製

世祖章皇帝訓飭士子卧碑

順治九年二月 提學道叅議臣鍾性撰刊立

右碑正書在府學明倫堂內

十畝風潭曲亭間駐羽旂鳴濤飄素練迸水濺珠璣汲
杓旋烹鼎侵墻暗濕衣似從銀漢落噴作瀑泉飛

趵突泉作 康熙二十三年十月

皇帝御製至聖先師孔子贊碑

康熙二十五年七月 戶部尚書文華殿大學士臣張

玉書敬書

右碑正書在府學大成殿東墀下縣學同

四子贊碑

康熙二十八年閏三月 戶部尚書文華殿大學士臣

張玉書敬書

右碑正書在府學大成殿西墀下縣學同

心勤民隱獨諮諏不為江山作勝游白下回鑒明已近
黔黎擁道欲何求多憐野老堆盤歛勉就輿情兩日留
二十八年宵旰意豈圖遠邇慕懷柔

康熙三十三年五月賜山東巡撫桑格

右行書石刻在巡撫署保惠堂內

百雉城臨濟水隈雲山環拱接青萊更看瘦削孤峯色
獨立亭亭秀作堆

登濟南城望華不注山康熙四十一年壬午冬十月賜
山東巡撫王國昌

右行書石刻在保惠堂內

曉渡更臨濟水野風時捲霓旌幾曲寒流蕩漾十月與
梁始成

甲子渡濟水作康熙四十一年冬賜山東濟東道蔣陳
錫

右行書石刻在白雪樓前亭內

康熙四十二年夏秋間恒雨為菑山左尤甚朕夙夜靡寧宵旰焦勞減膳撤樂坐不安席自冬至夏自夏至秋未嘗晷刻稍安雖設法拯救幾乎難保幸四十三年五月麥大熟秋成頗佳饑者未轉溝壑窮者皆得衣食實非朕之涼德所感賴上天之所鑒佑也故喜而不寐作長歌以示

璇璣玉衡齊七政祇懼敏德天眷命百志惟熙亮天工六府三事須主敬天地無私本至公人事有違失五正水旱從來不可測全賴有司勉安定癸未夏秋恒雨頻

二麥秋禾皆沒淪州縣無策萬姓逃父子流離呼蒼天
奏疏紛紛連早夜手書的的察夏貧蠲賦蠲賑記數下
民食維艱豈不詢裁漕施惠恐不及遣官分發誠沾均
人力雖盡唯時艱惟天至仁不絕食甲申春夏風雨調
麥隴脩脩衆喘息夏苗徧野雙穗多與情顏解去菜色
山左編氓閒且樂畿南黎庶喜而康從此休息須謹慎
防災備患豈有傷閑邪存誠勉官吏清廉奉職守封疆
民脂民膏供爾祿痛癢莫知悞籌量宗子家相同胞義
勿使叢脞迷職方

八月上旬口外山莊書

右行書石刻在趵突泉前南向

平定朔漢告成太學碑

康熙四十三年三月

右碑正書在府學大成殿東墀下

康熙四十四年二月初五日諭山東巡撫趙世顯朕為
兩河告成特來巡視道經山左見民生自去歲休養之
後漸有起色朕心甚慰夾岸黃童白叟懽呼載道感恩
叩謝者日有數十萬今仲春之時麥苗未長所以無妨
倘回鑾之際正值農忙麥秀恐傷稼穡爾即曉諭百姓
樂免叩謝各務本業可也故手書特諭

右正書石刻在白雪樓前

巡方不用駕樓船白舫蘭橈問市塵和氣成春和歲稔
清風布物動時妍齊民但示蒲鞭辱報國應同竹節堅
莫惜才名輕庶政冥冥中自有青天

南巡示諸臣省刑愛民康熙四十五年仲春月賜山東
巡撫趙世顯

右石刻在白雪樓前亭內

人才當義取王道豈紛更放利來多怨徇私有惡聲文
宗濂洛理士仰楷模情若問生前事尚憐死後名
為考試嘆

右行書石刻在貢院門前有碑亭

憲皇帝上諭訓飭士子碑

雍正四年九月署壁城知縣臣李滋立

右碑正書在縣學明倫堂內

平定青海告成太學碑

雍正七年十二月歷城縣知縣臣郭芝立

右碑正書在縣學大成門外

今上皇帝鈞突泉恭依

皇祖御筆原韵

實碑瞻

聖藻古寺駐春旂即景清明日消袞大小磯波心翻雪練石齒
漾苔衣對此蠲塵慮從添逸興飛

乾隆戊辰春三月

右行書摩勒

聖祖詩碑後

濟南多名泉嶽陰水所瀦其中孰巨擘趵突與珍珠趵
突固已佳稍藉人工夫珍珠壇天然創見訝山區卓冠
七十二分滙大明湖幾曲繞壇各房一泓映綺疏可以滌
心志可以鑑眉鬚圓流有靈焉顆顆旋相於乍如壁海
嶠鮫人捧出餘又如對溟渤一一五呈方諸作霖仰

歷城縣志

卷首

五

光顧澤物留神謨我來值暮春農夫正新畝看彼茫茫者欣此

涓涓如安得符

聖言遠近均沾濡

乾隆戊辰上巳後一日題珍珠泉

右行書石刻在珍珠泉上

濟南城南古觀裏別開仙境非塵市致我清蹕兩度臨
却為尖泉三竇美噴珠脣至各瀾翻孕魯育齊相鼎峙
滙為圓池繞數畝於灤達江從此始朱欄匝匝接寫樓
祀者何仙鍾呂子曲廊蜿蜒壁勒字題詠誰能分姓氏
過橋書室恰三楹研淨甌香鋪左紙拈詠名泉亦已多

汎茲寶可稱觀止曾聞地靈古所云屯膏珍享恐非理
擬喚天龍醒癡眠今宵一灑功德水

再題趵突泉作

右行書摩勒

聖祖激湍二字碑陰

分幹自岱宗岡巒雄且秀歷城作南屏洪荒判早就偶
來恣攬結望遠欣所邁駐輦傍雲開步徠躋蘿岫初無
五丁斧石佛誰所鏤拈花或齟笑悲物或眉皺其下有
空洞淙淙出乳竇精室築左側琴書芳潤漱兩樹丁香
花芳菲綠陰茂開窗納烟霞俯檻睇錦繡泰麓巢雲處

延賞既已富探奇復得此坐久消清晝因悟境無窮騁
懷難盡副

千佛山極目有作 乾隆戊辰春三月書

右行書石刻在千佛山

孝稱千古獨德並有唐雙歷下儀刑近城中廟貌龍春
風餘故井舜井即在廟西宇雲氣護虛窗緬繼百王後欽瞻心
早降

謁舜廟作 乾隆戊辰三月書

右行書石刻在城內舜廟重華殿內

歷城周廓十二里大明湖乃居其半平吞濟濶衆泉流

遠帶齊魯諸郡縣泛舟初入鵲華隄烟水蒼茫迷遠岸
鳶魚上下各逍遙花木周遭相明絢演漾綠蒲隱釣磯
縹緲白雲臨古觀應接無暇有餘樂水亭清雅陳筆硯
便教乘興一揮毫舊華記予初所見

大明湖題 乾隆戊辰

右行書石刻在水面亭

芳洲城郭裏庭樹畫圖間杜句已稱古春游偶趁閒漁
歌隔浦遠橋影卧波聲一棹遂瀛到仙風那引還
天光澄上下詩意寄烟波濯戟銀鱗直連拳玉鷺多浮
圖森古甃遠岫滴新螺萬頃碧漪外輕帆瞥眼過

朱欄橫綠渚倒影漾澄泓烟柳萬千樹春禽三兩聲從
來稱歷下到此適清明流水落花意維摩句有情
春暮遊歷下亭三首 乾隆戊辰春

右行書石刻在湖上亭中

長隄數里亘雙湖夾鏡波光入畫圖望見鵲華山色好
石橋名亦與凡殊

大明豈是銀河畔何事居然駕鵲橋秋月春風初較量
白榆應讓柳千條

榆烟杏火接空濛穩度方堤飲練虹李杜詩情天水畫
都教神會片隄中

題鵲華橋絕句三首

右行書石刻在湖上

雉堞環樓倚勢高，登臨縱目興添豪。
一湖止水清無滓，四野來牟綠上臯。
僻倪經營思國計，桔槔耕作念民勞。
春雲消息看來好，滿擬蒼龍駕海濤。

乾隆歲在戊辰暮春之月，登會波樓有作。

右行書石刻在城北門上會波樓內。

清蹕臨齊境，春風廣陌閒。
北民若踴躍，百爾効追陪。
重道尼山近，繩踪

恆喜觀羣志，載切憶去年。
災求瘼，今何若？思艱亦永哉。
底

須勤供奉不為豫遊來

至德州山東巡撫阿里亥率所屬來接詩以示之 乾

隆戊辰仲春

右行書石刻在白雪樓前亭內

謁聖詔早頒登岱志原素

戊辰年六月朔日也

蓋去食言理非

宜省方典有故矧將去秋霖便因興賑務截漕餉自萬

留帑多盈數炊非無米為策應以善布向聞流徙民提

攜紛載路遮留非王政豈宜聽輕去頃入青齊境旌門

雨移駐歷觀興所聞秋麥原未誤遠近徧青葱餅餌風

香度道左近光民扶老攜其孺追饑色無菜得暖衣有

布目睹稍自慰方慰還以懼得毋爾有司飾予經過處
來青陽山嶺沂曹困沮洳既恐阻遐遠無愁艱轉輸使
使天悔災元氣未易復叶司宣勉汝猷休助厓子慮
乾隆十三年二月十六日賜山東巡撫阿里衮

右行書石刻在白雪樓前亭內

救荒無善政舊聞今見之堯舜豈非聖然猶病博施帑
粟縱不惜承宣繁有司巧者矜才智拙者無能為更或
圖息偃體察致漏遺復有尤甚者尅民飽其私罹法徒
自戕於民終無裨為告方伯臣讀予雜詠詩 雜詠非
詠物切切念民艱反躬先自責訓變無能焉嗟此齊魯

民被歎已連年富者日以貧貧者更罄懸計口縱授食
日月乃苟延任卹有常經為之在得權設任貧室索富
家難盡全一言以蔽之錫豐端賴天 賴天佑此方延
頸常仰企其如格無術怛怛慙靡已京畿及豫吳春霖
均霑被而胡庸寸合偏遺在尺咫茫茫隴中麥彌望盈
千里十日雖可遲一犁亟其俟絮雲纔作勢顛風繼以
起躊躇增百憂邂逅親見此 親見悉民瘼更切飢溺
心流者雖比比居者仍林林無怪穀踊貴糠粃登釜蓄
轉徙難坐視遮留應酌斟資送生莖俸更患胥役侵凡
爾守土吏孰無牧民任 體予如傷懷盡爾一念忱補

救名勉殫雨露天難謀

乾隆戊辰春三月書賜山東巡撫阿里衮

右行書石刻在白雪樓前亭內

服膺常凜春秋肯不言祥瑞非沽美忽披齊東瑞穀圖
或者吾誠未盡喻叶所幸今年齊果豐不然謏頌何足
紀數郡各圖瑞穀莖一莖數穗垂纍纍曾聞亦可以偽
為其名龍爪一種耳龍爪穀穗之一莖必結數穗即使真穀結穗多
一莖所得能飽幾嘉禾名書縱有之吾意在彼不在此
去年饑饉獲少甦何以燠咻起瘡痍又聞近有傷農詔
亦賴有司善經理十歉一豐無遽嘉嗟嗟是吾乃所以

乾隆己巳秋九月山東巡撫準泰進瑞穀圖因成是詩以示之

右行書石刻有二一在巡撫署內保惠堂一在白雪樓前亭內

平定準噶爾告成大學碑

乾隆二十年五月

右碑正書在府學

治河以衛民表衷本相因况萃一身鉅其厯萬姓辛寧
當營供奉匪為事游巡立位官頽業名言昔可循

丙子春二月東巡賜河東河道總督兼署山東巡撫白

鍾山

右行書石刻在白雪樓前亭內

粵海旬宣久青齊治無倫嘉伊品華華為我牧元元坐
鎮青油幕色隨紫氣軒馳驅何足貴喜政勉徐源
丁丑春賜山東巡撫鶴年

右行書石刻在保惠堂內

聖賢桑梓地俊秀鑑衡司勝任誠非易不繇在有為遷
喬思已早刈楚念人遲士習民風倡勗哉法則持
丁丑春賜山東學政謝溶生

右行書石刻在學政署內

承宣原佐治安撫遂專銜課吏旌清慎勤民重麥麻入
疆此所慶行館彼非嘉化雨有齊被希璉政豈賒

壬午春正月賜山東巡撫阿爾泰

右行書石刻在保惠堂內

泉林卓午駐琯輪賜食茲邦執役臣灑道清塵都致敬
遊休豫助重時巡詎欣別館美如許惟歷災區惠可均
一食不忘君見說還當一食不忘民

壬午新正賜山東巡撫阿爾泰

右行書石刻在保惠堂內

此地向旬宣撫安遂晉選理疆皆熟路涸淤為疏川斯

識勤農要寧嘉供帳使前人芳軌在努力繼其賢
乙酉春賜山東巡撫崔應階

右行書石刻在保惠堂內

駐輦有餘暇賜餐聊示恩法廉誠吏本衣食亦民源要
以聯堂陸勞哉扈輜軒樸齋無信宿華飾戒從繁

乙酉仲夏賜山東巡撫崔應階

右行書石刻在保惠堂內

宸翰

聖祖仁皇帝康熙甲子孟冬題釣突泉

激湍

右正書石刻在趵突泉呂仙閣前亭內

題珍珠泉

清漪

右行書石刻在巡撫署內

康熙己巳正月甲申題珍珠泉

作霖

右行書石刻在巡撫署內

康熙四十一年冬書書閣山雲起琴齋澗月留賜歷城

縣知縣管承寵

右行書石刻在白雪樓前亭內

康熙四十二年癸未正月書賜白雪書院

學宗洙泗

右正書石刻在白雪樓前亭內

皇帝御書歷下亭二字

右行書石刻在巡撫署內

歷城縣志卷首終

縣

志

圖

疆域

南至長清縣界二十五里

西至長清縣界二十五里


南至太安縣界一百里



西至北齊河縣界三十里

北齊河縣界



縣城







署縣


卷之六





學宮





歷城縣志目錄

序

凡例

圖

卷首

翰 襲

卷第一

總紀一

卷第二

璧城縣志

總紀二

卷第三

地域考一

沿革

星上

疆界道路

里社

卷第四

地域考二

戶口

田賦

卷第五

地域考三

風俗

物產

卷第六

山水考一

山一

卷第七

山水考二 山二

卷第八

山水考三 水一

卷第九

山水考四 水二

卷第十

建置考一 城池 官署

卷第十一

建置考二 壇廟

卷第十二

建置考三 學校

卷第十三

建置考四 兵防 驛遞

卷第十四

古蹟考一 城址 故蒲 故宅

卷第十五

古蹟考二 亭館一

卷第十六

古蹟考三 亭館一

卷第十七

古蹟考四 陵墓

卷第十八

古蹟考五 寺觀

卷第十九

藝文考一 經部 史部 子部

卷第二十

藝文考二 集部一

卷第二十一

藝文考三 集部二

卷第二十二

藝文考四

集部三

卷第二十三

金石考一

卷第二十四

金石考二

卷第二十五

金石考三

卷第二十六

封建表

卷第二十七

職官表

卷第二十八

選舉表一

卷第二十九

選舉表二

卷第三十

選舉表三

卷第三十一

選舉表四

卷第三十二

製時表

卷第三十三

地封表

卷第三十四

宦蹟錄

漢劉寵

唐劉文恪

宋盧瑱

賈同

董儲

施辨

金趙鑑

李好復

明熊觀

侯宣

聞璇

游寬

余翔

高大經

張淑勵

李齊芳

賈仁

趙以莊

陳尚表

劉哲

冀體

張鶴鳴

陳采

陳陞

裴鉉

黎國器

郭俊義

俞守仁

鍾道賢

吳阿衡

呂黃鍾

郭永泰

貴養性

韓承宣

林懋先

陳默

宋祖法

國朝孫枝豐

袁懋德

史起貞

郝惟謙

嵇永福

薛光斗

韓文煊

孫祐岐

劉元琦

李師白

李天秀

姚述祖

朱若炳

卷第三十五

列傳一

周譚大夫

漢終軍

崔不意

王訢

子譚

譚子成

王賀

劉衡

唐李義滿

子君球

秦瓊

崔融

曾孫從
由子允

從兄能
融五世孫

昭輝

從子慎由安潛

飛

郭虔瓘

郭昉

宋馮瓚

王杲

王沔

弟淮

范正辭

子誠

魏花

張揆 弟揆

李定

呂順浩 子撫

辛棄疾

王次翁

王衣

木極

卷第三十六

列傳二

金范巽 弟拱

董積躬

趙摯興

元張榮 子邦傑 邦傑子宏 宏子元節 邦傑子宏 榮無

必

張可興

劉伯林

子黑馬

黑馬子元振

元禮

張仁

子信 子守忠

佐

進

巨源

仁

弟

子

弟

張炤

子用中

張均

子世光

秦津

孫慶

姜或

劉斌

子思敬

趙文昌

孟德

富德庸

張傑

劉事義

趙野

高芝

武秀

高仁

張如砥

李綱

張養浩

子引

韓鏞

陳楚僊

孫天民

劉時中

畢文質

卷第三十七

列傳三

明李思迪

潘原英

秦琰

周郁

張思信

趙時中

趙紳

薛理

劉純

尹宏

子文

又子龍

李森

林瑛

盛猷

趙璿

曾本孫天開

鄒襲

劉猷

張鶴

子齊

趙璧

邊節

張良弼

周秀

李澤

劉緒

曾孫亮采

徐進

祝壽

李珙

董昌

江濬

周尚忠

子居岐

陳軫

范瑟

吳聞詩

金城

薛樟

張嵐

洪遇

殷士儋

孫啟賢

張存智

韓應元

劉宗禹

傅延者

師必大

于鯨

劉伯縉

弟伯綬

趙應奎

子世卿 世卿子 鉉子海初

潘初孫恒

穆深

王見賓

陳九疇

周璧

張九賢

姜應科

楊承恩

殷汝楫

曾孫象賢

李寶

殷哲

秦邦彥

孫自成

范名臣

卷第三十八

列傳四

國朝孫建宗

兄孫續祖

劉緯

葉承桃

柴自新

孫光祀

子叔詒

朱宏祚

子緯

綱

綱從

鄭績善

張現

也春貴

子承聖承盛

陳有功

戴璫

張世祺

杜溥

趙于京

高經世

張光祖

逯選

鍾輶

弟

余肇松

楊瑄

兄子大中大紳大漁大立

高山

弟

李治國

沈士英

黃曾

馮秉仁

曾尚增

劉應麟

李炯

汪航

崔雲會

卷第三十九

列傳五 懷林

漢張生

林尊

徐巡

吳進

魏劉喜

明殷峻

張潭

卷第四十

列傳六 又苑

唐員半千

唐奉一

宋李冠

李格非 女清照

田逸民

呂川

金李之翰

王繪

劉昂

元張起巖

潘昂霄 子頌

李國鳳

張謙

吳志淳

明張紳

周溥

邊貢 子習

王田

劉天氏

王詔

谷繼宗 劉汝松

李攀龍

司馬

許邦才

潘子雨

弟子震

張弓

王大儒

國朝王革

王經國

韓毓桐

朱綱

子崇勳

懷

族子

懷

族子

懷

劉伍寬

田涇

宋云鈞

張文箕

卷第四十一

列傳七

忠烈

漢吳子蘭

唐羅石頭

高君狀

房繼伯

羅士信

崔彥曾

宋醉民

金周馳

元張山

魏中立

明鄧瑜

靳清

辛鎮都

馬斯才
秦邦賢

馬虞順
朱廉

樂賢忠

李季子

樊應科

朱常汭

常汭
常澹

常涉

陳載春

丁樞
張文煥

孫止孝

兄則孝

弟永孝

從子惠

宗廷宗

劉勅

弟檄

穆遠

子光
光

從子

史臣贊

子起

劉化光

賈槐

張元英

嵇嵐

胡士傑

米嘉珠

徐暉吉

劉汝通

丁振

王啟亨

張允文

吳安邦

王敬賢

王允前

費克謙

陳光先

楊卓等

吳斗光

趙標名
江源長
張經
陳典

高思恭

劉廷寶

李興邦

國朝葉承宗

徐天平

龔殿安

卷第四十二

列傳八

考義

元魏崔承宗

唐何彥先

宋劉庭式

王淦

元劉琮

宋懷忠

牟克孝

李恭

明劉興祖

王允

鄭璟

李萃

殷汝麟

方東省

子守中

谷珍

羅縉

王繼芳

李明元

國朝懷世昌

邢起龍

李黃裳

錢士賢

邢曰玫

韓之璧

黃叔亮

叔度

郭志茂

劉橘

宋日章

劉澄

馮兆璉

蘇承德

馬貞常

張希斌

卷第四十二

列傳九 一行

唐賈閏甫

明金益 子鴻

賈應祥

趙強

任爵 子金

劉傑 子代

韓剛

國朝張泰運

張世紳 子大猷 孫澤

楊天奇

曹鳳翹

趙汝舟

朱緯

任立志

邢大任

徐方遠

高瑾

李廷蘭

呂碩秀

張秀

王惠文

張曇

郭鈞

曹嘉謨

許子綬

楊光乾

魏文深

范瑞元

党煥烈

王憲福

張永清

卷第四十四

列傳十 隱逸

隋徐鴻客

唐王宏

邵貞一

宋司詒

金陳壽愷

明王元復

洪隱君

國朝趙槐

懷晉

王謙字張東生

楊士烈

卷第四十五

列傳十一

晉元陽子

苻秦竺僧朗

元魏釋僧意

釋志湛

隋釋淨辨

釋法安

釋法瓚

唐釋道希

釋師報

釋大行

宋釋義楚

省倫

釋晉明

金李笈

元釋道興

淳于福

周安道

釋德雲

女道士馬氏

明釋禧果

海上老人

無住禪師

楊生

釋慧湛

釋至昂

王牧

王綱

國朝釋妙登

元璽

王風子

南風子

卜得熊

劉養正

王淵

李崇華

高正欽

釋印如

三和尚

卷第四十六

列傳十二

方伎

宋徐迳

明周繼

尹林菴

國朝劉正岱

方起英

釋希樞

趙奇

卷第四十七

列傳十三

高齊

高齊房豹

金劉勳

元李洞

國朝鍾性樸

卷第四十八

列傳十四

列女

唐薛元曉妻林氏一人

元忽刺忽兒妃張也速貴等四人

明王榮妻劉氏等六十五人

國朝懷晉妻房氏等三百一十一人

卷第四十九

雜綴一 狀事

卷第五十

雜綴二 異聞

登城縣志目錄終

歷城縣志纂修姓氏

裁定

賜博學鴻詞出身山東按察使司按察使 仁和沈廷芳 晚之

總修

歷城縣知縣今陞東昌府知府 臨桂胡德琳 書巢

纂輯

廣東恩平縣知縣庚辰恩科進士 益都李文藻 素伯

辛卯恩科進士 邑人周永年 書昌

淄川縣知縣丙子科舉人 秀水盛百二 泰川

候補知縣癸酉科舉人 仁和施養占 靜波

拔

貢

生 寧都丁湘錦人可

監

生 仁和萬福近蓬

參訂

歷城縣知縣今陞臨清州知州 仁和萬繇前 邨初

癸未 科進士 邑人申士秀書升

分纂

歲

貢

生 秀水張時敏子遜

監

生 海寧俞思謙 秉淵

校勘

壬午 科舉人 桐城方性存 易門

候選州判戊子科副榜貢生 濟南吳 勛

附 生 濟南張 政

採訪

丙子科舉人 邑人朱曾傳

壬午科舉人 邑人朱彤

乙酉科舉人 邑人劉士愚

優貢 生 邑人鄭銘

歲貢 生 邑人張毓

歲貢 生 邑人崔鎬

貢 生 邑人張藩

廩生 候選訓導 邑人 汪居敬 寅清

廩生 邑人 孫曾延 連齋

廩生 邑人 賈振基 允符

廩生 邑人 党其超 含宇

廩生 邑人 張 蕤 臨溪

廩生 邑人 李枝華 輝東

廩生 邑人 張廷棟 伯任

廩生 邑人 賈 瑤 成西

附生 邑人 呂克治 惺菴

附生 邑人 陳志綱 沁三

附

生 邑人韓燭月軒

附

生 邑人何永盛松其

附

生 邑人孫尚子師

監

生 邑人鍾勲統一

監

生 邑人陳嘉樂子顯

監修

增

生 膠州崔儒視恪邨

辨鑄

監

生 吳邑湯士超恂輝